

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 33. stav 2. i 3. Zakona o privatizaciji preduzeća („Službene novine Federacije BiH“, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), člana 1. i 2. Odluke Vlade Zeničko-dobojskog kantona o otvaranju namjenskog računa u Razvojnoj banci Federacije Bosne i Hercegovine i određivanju ovlaštenih potpisnika naloga platnih transakcija („Službene novine Zeničko-dobojskog kantona“, broj: 14/17), tačke I. Zaključka Vlade Vlade Zeničko-dobojskog kantona broj: 02-14-15200/17 od 02.11.2017. godine i člana 3. Ugovora o namjenskom depozitu broj: 07-14-19795-9-1/14 od 21.12.2017. godine, Vlada Zeničko-dobojskog kantona, na 164. sjednici, održanoj dana 05.10.2018. godine, d o n o s i

ODLUKU

o izdvajanju dijela sredstava deponovanih na namjenskom računu u Razvojnoj banci Federacije Bosne i Hercegovine za sanaciju i osiguranje osnovnog kapitala fonda Federalnog zavoda za penzijsko i invalidsko osiguranje

Član 1.

(Izdvajanje dijela sredstava sa namjenskog računa u Razvojnoj banci FBiH)

Izdvaja se dio sredstava sa računa namjenskog depozita otvorenog kod Razvojne banke Federacije Bosne i Hercegovine za potrebe Zakonom utvrđene obaveze sanacije i osiguranja osnovnog kapitala fonda Federalnog zavoda za penzijsko i invalidsko osiguranje, u iznosu od 320.000,00 KM, od sredstva povrata rata kredita, odobrenih iz sredstava dobijenih prodajom preduzeća u procesu privatizacije na području Zeničko-dobojskog kantona.

Član 2.

(Uplata sredstava na račun fonda Federalnog zavoda za penzijsko i invalidsko osiguranje)

Sredstva iz člana 1. ove odluke će se sa računa namjenskog depozita otvorenog kod Razvojne banke Federacije Bosne i Hercegovine uplatiti na poseban račun Federalnog zavoda za penzijsko i invalidsko osiguranje broj: 3381302232252568, otvoren kod UniCredit bank dd Mostar.

Član 3.

(Realizacija Odluke)

Za realizaciju ove odluke zadužuje se Razvojna banka Federacije Bosne i Hercegovine.

Član 4.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-15151/18.

Datum, 05.10.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo finansija,

1x Razvojna banka Federacije Bosne i Hercegovine,

Ul. Igmanska broj 1. 71000 Sarajevo, putem ministarstva,

1x „Službene novine Zeničko-dobojskog kantona“,

1x a/a.